

S.S. 106 Jonica ('A štràta d'a mortə) di Sebastiano Defonte

Costèggia 'u marə
sta jonica statàlə
'i Tarantu a Reggio
passànnu ppì Cutrònə.
'Na štràta šmaliditta
štritta e traditùra
'na mulattèra c'u cci po' jiri
cchjù 'i cinquant'all'ùra.

Mi ven'a ra mentə
mo' è 'nnu saccu 'i tempu
tornànnu d'u pajisu
'ntu šcumpartimèntu
dùji geometri e 'nu 'ngegnèrə
ccu' ri carti àvanu parràtu
'i 'n'auto tràta c'ava ddi nesciri
e 'unn'à maji šgravàtu.

'Ntu discùrzu è capisciùtu
ch'èra a Tarantu-Cutrònə
ognə bbòta c'a mintumàvanu
mi sintìva cchjù bonu.
Sintènnu ca
c'èra 'i šparagnàri
ava rrapùtu l'occhji
'n'assicuratòrə.

Stù Vattisimu
quànnu a ru quàgghju?
Ci vònnu armènu
deci anni 'i travàgghjù.
Ma st'autostrata
'unn'à maji avutu 'ndirizzu
ca ri sordi anu jutu
sempə a 'nn'atu pìzzu.

E mò comu facìmu
ppì sta statàlə
ch'è muru e muru
ccu' ru špitàlə ?
A "štràta d'a mortə"
tena comə numinàta !
ppì tutt'a genta
c'annu sutterràta.

Jennu e binènnu
'i Catanzàru ppì travagghjàri
'i cìgghji d'a štràta
su chjini 'i crùci e ddi χùri.

Tantu ca ccì nnì sù
a 'nnu certu puntu
ca para_i_ti truvàri
a ru Campusàntu.

Pussìbbili
c'u ssi po' ffari nènti
ppì šcampitàri
tutti st'incidènti ?
Pussìbbili ca sta statàlò
àddi_d_essiri tijàtru
oji mora ancunu
e dumànu ancun'ātu ?

N'annu parràtu tutti
cumitati, puliticanti e sciosciulèri
'u l'annu sintùti
"u peju sùrdù è chiru c'u bbo' sintìri".
A ra matinàta
chiru ca fà cchjù 'ncazzàri
quannu si lizza ru guvèrnu
ccu' 'nna lèggia, 'na vita vo' sarvàri.

Iju ccì dicìssa:
a ri cuntàri vi l'ati pjat'a prìca ?
Ma a vuji_i_da statàlò 106
cchì binni frìca ?
Quànnu vi 'nn'accurgìti ca
su quantu 'na guèrra civìlò
vi pija ru šcàntu
'u sapìti rispunnìri.

Ppì nuji 'u ccì su ssòrdi
ppì ra fravicàri
mentr'a ru nòrd
ara quinta cursìa ann'arrivari.
'Unn'è ca, ppì chista S.S.
com'i nazzisti vònnu fàri
e tutt'i calabrisi chjànu-chjànu
si vònnu cupàri?

Sincòmu nuji
'unn'i putimu pulizzàri
a ri pròssimi votazziòni
facìmulì šcapulàri.....
Ma pènzica è mègghju
s'i mannàmu a fatigàri
s'u fan'u cuntrattu ccu' nuji
'u gghjàm'a botàri.